

寶應縣志卷十三

人物志

循良

元

劉廷佐

明

蕭韶

趙瑀

陳奎

朱訥

高桂

周密

茹信

許肇

鄭器

張曉

王思賢

清

寶應縣志

卷十三

一

人物志

成周璧

朱約

朱辰

喬沂

袁鯤化

劉玉麟

成慶源

胡景安

湯士勳

喬錫

朱百順

弟百谷 百梅 百行 百城

朱百川

兄百 阜

陸延禧

祁壽馨

忠義

明

花榮

弟郁 甫信

丁效恭

鄭鳴鹿

楊國柱

楊振

鄭之龍

清

韓振愈

弟宗愈 子日昌

鄭邦彥

張起



晏鵬程

錢賡慶弟崇慶等

薛世奎

王曰揚王廷揚

尹士章

潘某

朱士和

孔廣牧子昭案

義僕附

王珍

周大

朱有

王玉



寶應縣志

人物志

循良

劉廷佐炎子上高尉攝鄱陽縣事去官之日父老攀戀者數千人洊陞揚州路同知通州事南康路總管府判

官圖經

蕭韶字九成洪熙元年以人材薦授茶馬大使遷南昌主簿在任九年政績表著祭酒胡儼曰吏服其能民懷

其惠若九成者可謂循吏矣陞南昌知縣道光志

趙瑀字廷瓚正統丁卯舉人歷西安府同志有能聲致

寶應縣志

卷十三

循良

三

人物志

仕歸布政使陳選高其行特致餞焉道光志

陳奎字文璧天順己卯舉人官平陽教諭門屏嚴肅督

諸生講誦課藝各有規則夜分作糜以餉躬行席舍以

獎勵之遷吉安府通判有至性動遵禮法尤嗜學致仕

歸朝夕手一卷猶諸生也按圖經甯陽訓導朱彬志餘作平陽教諭註見溫州府志名宦志其為平陽無疑從之

朱訥字存仁號補齋徵君瓚子年十三父令治賈一歲

問市價金品俱不習父怒曰爾何為曰讀書父曰能日

記千言乃許歷試果然遂聽之以成化丁酉舉人授鄞

縣知縣縣供應費歲萬金知府姜昂省十之七置籍府

庭訥固請下於縣又省三之一倭夷來朝利與中國市



守臣以倭久留鄞趨有司牽海舶行倭操矩兵譟呼出  
殺牽夫數人訥單騎入其曹語譯者以禍福治殺牽夫  
罪倭懼逸去增修錢湖七堰水不暴田歲以屢稔鄞人  
屠瀟官尙書居要津擅作威福訥繩其豪奴置之法瀟  
怒遂擠訥調湖廣長陽縣榮王就國用蜀舟萬艘有司  
亟掠舟得百艘訥偵知風從東南來馳赴巴陵三日得  
萬艘又檄入施夷壘解其仇殺巡撫御史以下皆奇其  
才薦調江陵以母憂去遂不仕訥少工詞翰致仕歸御  
小舫往來東谿賦詩爲樂著有江陵集後崇祀鄉賢祠  
子應登別有傳

道光志  
人物攷

高桂字廷芳正德丙子舉人持身雅循禮法授南府通  
判改補衛輝歷任保德通州知州皆以清謹稱

圖經

周密字邦慎太學生歷平原歸安遷安上元知縣三十  
年清謹如一日所去民輒思之知平原時鋤奸惡植善  
良興禮教除弊政並修築城池政績彰著後以濟甯州  
知州致仕

圖經

茹信字天允正德十二年歲貢性坦夷不設城府任咸  
甯縣知縣邑小多逋賦信以廉靜蒞之民樂爲輸納尙  
書梁公材掌大計部檄旌之以爲廉能吏云

道光志

許肇字應元嘉靖五年歲貢生授常甯縣知縣俗悍訟



繁舊號難治肇涖任條十事以告邑人期相與避惡趨善於是課農桑戢姦吏省供應備凶荒恤孤窮興學校讞獄詳明活死囚四獲僞爲印者三去後民立祠祝焉

道光志

鄭器字思大孝子本子嘉靖間遂昌縣教諭飲人以和洞然無城府諸生優於學行者獎借不置口不受貧士

餽且助之升登州教授卒遂昌士民葬之宮山

處州府志

張曉隆慶四年歲貢授永明知縣曉有才守清丈編審

祛除兼並閭邑受福

康熙永福州志

王思賢字霖佐隆慶四年舉人授高州府推官聽斷精

寶應縣志

卷十三

循良

五

人物志

敏疑獄讞不決思賢訊遽服或坐罪死繫歷三十年會錄囚思賢察其誣立平反高接壤嶺海浮食游民相聚剽劫思賢廉其狀除之威惠兼行無苛枉俗爲之變後攝化州知州州多盜捕獲輒累無辜思賢斃其首惡餘不窮竟盜亦衰止疏理僨造之役民費大省而故額充足歲大饑捐俸賑粥杜絕姦弊民活者億萬修孔子廟課諸生以文化士興於學思賢再攝化州又攝茂名縣民皆勒碑誦德總督陳大科等交薦於朝擢福建道御史提學副使某誣思賢以見任官立碑謫廣西按察司知事高州人大譁空府縣奔大吏保留弗得瀕行衆相



聚閉城會上官夜出思賢易衣雜之出平明民覺遮道號泣思賢亦泣赴廣西任未幾卒思賢天性孝友貲產悉與兄弟卒無以舉喪士大夫賻然後歸櫬云

圖經

成周璧字崑侯康熙元年恩貢以教習授邵陽知縣冰蘖自持會滇中叛亂秦人運米入蜀艱甚周璧經畫有方軍需無缺民無苛擾又單車詣賊壘曉以義賊散保全甚衆督撫疏薦於朝戊午分試秦省卒於官周璧食餼時先後爲齋長者周璧及賈一驄陳三輔刁養默朱爾穎等皆積學砥行邑所稱長者也

道光志

朱約字原博號守亭澤潯父康熙十一年副貢授福建

福安縣知縣屢經兵燹地廣田荒多虛匿約仿朱子審田遺法先令自報田數丈量多逾額勸民自首免罪田無隱占民不擾而賦自辦有吳某者名誤入逆籍中約爲辨其冤得免改補江西南豐縣修葺謝程山講學遺址調山東費縣勸民墾荒修顏魯公祠擒治蒙山賊二百餘名歲荒賑濟多所存活在任七年各鄉立德政碑三十餘所尋陞直隸晉州知州減科派擒鹽梟以病告歸卒於家

道光志

朱辰字劬孺康熙三十六年進士授浙江諸暨縣知縣田隣湖憂澇亦畏旱辰夙諳河務爲仿南河規制於泌



湖建石牯隨時啓閉由是水利大興邑爲立生祠巡撫趙申喬極器重之郡守某與辰素不合且奉職無狀屢被巡撫督責守疑辰爲之適有僧出入制府幕中守賄僧文致辰款制府遂劾罷辰民爲稱冤里居十八年尙書張鵬翮將以辰名列薦剡以年老辭卒於家

道光志

喬汧字秦川雍正元年舉人授湖北長陽縣知縣散毛士司與黔民爭田界結訟數載汧爲稽券籍分疆界苗民帖然調江陵縣除押差重徵之弊革一切陋規代償民欠漕米八百餘石卒於官

道光志

袁鯤化字圖南考授州判職分發北河擢順天永清縣

知縣邑民何德賢因索逋誤傷侯姓女侯以強姦控獄具定大辟鯤化察其枉得平反東安縣張驪子之父誤傷人死驪子乞代抵罪鯤化申救之驪子坐徒父得免死嗣以忤長官落職援例起復補臨榆縣知縣裁出關領票錢歲約萬餘緡設義學延師課士多獲雋會歲旱蝗鯤化禱於神願以身餉卽解衣裸臥烈日中蝗徙他境定例流民出關者有禁鯤化捐貲收養民活無算凡歷七縣庭無留牘邑無冤民以年老乞歸民攀轅洒涕者數十里家居卒年八十八

道光志

劉玉麟字又徐乾隆丁酉選拔貢生官鬱林州州判有



惠政百色苗亂隨營治軍書日夜不息以積勞卒於軍

恩加按察司經歷子興蔭主簿玉麟篤於行工詩敦素

園七子之一也

道光志文苑事略

成慶源字贊元廣西縣丞借補大灘司巡檢補天峨縣丞升凌雲知縣調西林天峨民坐竊賊極微詰之泣曰老母絕食二日矣慶源予白金二十兩先是有坐逆母者聞其事哀悔願改行事母遂釋之後以孝聞凌雲徭役或以嫠婦充革其役著爲令續商鄧女二長許冷冷貧客於外鄧復以長女許凌冷歸訟鄧慶源得其情謂鄧曰女義當歸冷然汝有次女凌亦快婿吾爲汝成其

志使各歸成昏泗城山下二婦人道死一鼻破流血腸出尺許一無傷日開兩家構訟亟株連久不決慶源往驗曰此甥於蚰蛇而斃者獄遂解吳貢士湘珠爲之傳

劉大令寶楠表其墓曰廉能著聲

循吏事略

胡景安字春融號顯謨嘉慶甲子舉人大挑知縣改教職選授蕭縣教諭以忠信篤敬厲士子尤能卹學之貧者有段氏子敏而好學不獲與試景安力成之

湯世勳字竺盟號竹銘浙江候補鹽運司副使奉檄往青田捕梟賊薄之於險擊損世勳齒卒擒獲其魁道光庚子署嚴州同知有惠政民爲立祠咸豐壬寅辦上虞



行營取於民者悉照市值總辦嘉興糧運事旱久河涸  
運滯官驅民濬河世勳約束水手勿使撓民復虔誠禱  
雨果應遂挽糧艘出境海塘工最險要世勳署西防同  
知遇湖汎漲盡力保固捐俸以濟公帑民商田舍多  
保全以病告歸性慷慨地方義舉多賴以成宗族戚友  
緩急輒應以事往宿遷道卒

喬錫字和卿增貢生成豐乙卯授阜甯縣訓導阜甯學  
宮歲修款爲司事侵蝕累年失修錫爲文自責首捐廉  
修殿廡邑令感愧爲集款竣其事邑向無通籍者自是  
科有舉於鄉成進士者人謂錫至誠所感平時督諸生

勉以正學某生以厚贄浼人來進錫不受曰其人非端  
士不久必敗後果緣案被黜丙辰阜邑海水暴漲災民  
遍野錫與邑令請賑捐俸先之親其役不辭勞苦所活  
無算辛酉捻逆竄淮徐錫奉檄於各鄉鎮築土圩昕夕  
督工積勞成疾錫清勤公直素爲人所愛服排難解紛  
得一言輒泯禍無形在任剔除陋規培植貧士歿後生

童皆感念之

循良  
事略

朱百順字備之士彥子二品廕生官江藍同知簡樸溫  
純訥訥如不出口上官疑其迂十年不晉一階其學於  
天人性命之旨通幽洞微直徹表裏嘗論著數十篇於



教養諸大端補偏救弊因時制宜皆有體有用之學權衡州府時興復鄉飲酒禮尊賢敬老之風爲之一振歸田後講學城東畫川書院躬蒞廟壇宣講聖諭愚氓頗有感化者著有禮堂隨筆第百谷字涵之廩貢生道光庚子欽賜舉人官內閣中書署侍讀授貴州正安州知州正安值圍城後民苦盜賊農商失業百谷捐廉募士卒不以擾民後賊復至百谷率所募卒擒賊首樂龍耿鳳等又會鄰縣勦擒首逆吳大刀時教匪劉起得與他賊聲息相倚百谷乘間擒起得盡獲其私書符印案問具服宥其脅從三千餘人以功升直隸州知州戴花翎

州小有水旱百谷祈禱雨暘輒應在官禮敬士子訟獄不令跪對簿月出俸錢課書院以風勵之葺蒼頡廟建祠祀漢儒尹珍正安人士知嚮學自百谷始去任州人士老幼絡繹觴酒數十里調廣順州未蒞任議叙道員還里省墓漕督王夢齡奏留督辦高寶團練百谷建議因河堤築土圩編湖西漁船爲巡船陳國瑞獲賊七人將駢誅之百谷爲言釋被掠者一人以積勞感疾卒於家事聞優卹贈光祿寺正卿銜子勵相蔭知縣百谷靡書不讀文辭出入周秦間綜孔子言行暨聖門弟子事實及崇祀孔廟先賢先儒言行成大學坊表四十卷湯



文端金釗稱其聞見賅博有功聖道文文端慶謂當采入監志別有望雲山廬詩存百梅字和之恩賜副榜官碭山教諭教士民如子弟碭山旱饑邑令格於例不敢請賑百梅請任咎得請全活甚衆受代日士民有徒步數百里送之歸者甲子選雲南太和縣時省會未復戚友皆尼其行百梅毅然往道湖南大學士官文驥以金謂曰某非私有厚於君也某於今日肯往官雲南者皆驢之遷水利同知海口溢巡撫岑毓英前後檄治不成百梅往不逾月成升永昌府知府官七年篋衍蕭然人懷其惠士感其教嘗遘疾昏暝子然側無期功親永昌

士人羅立楸下皆滿民相聚禱於塗巷其得民心如此以績晉運使銜戴花翎以道員用卒於滇著有詩文集百行湖北黃州府通判署德安府知府百城四川劍州知州亦皆有政聲尙風節云

循良事略

朱百川字東之廩貢生從安徽巡撫福濟軍功官至直隸州知州咸豐九年選甘肅階州鉅盜何某爲階害者二十年百川率兵布長圍掩捕之何率黨出拒兵傷十餘名卒以火攻破巢穴擒梟其首以功賞花翎建書院課士厚其膏火調署西甯府知府張義堡山民以訟被執徒黨數百人謀劫之羣情洶洶百川往諭以禍福乃



散同治二年調署武威民爭水利多漂溺釀成大獄累繫甚衆積二年旁連鄰里戚族破產者數十家百川廉得其情片言立解開釋無辜民大悅時逆獯獮百川捐俸修城親督團練守陴衣不解帶者數月民皆奮勇効死賊不敢犯甘肅絀餉撫檄地方捐輸百川以民力疲敝不忍勒捐屢奉斥催嘔血升餘紳民惶恐奔走自相勸諭如數期集解以濟餉六年大旱百川詣廟哀籲自責雨爲之注檄署甯夏道代者至民遮道哀懇無使我儕失慈父母同治九年授涼州府知府調署甘州府知府兼辦後路軍糧軍裝舊時軍用羊豕芻糗之屬取

諸民予價僅及半百川盡革其弊卒於官所蒞士民皆巷哭之百川兄百阜附貢生光祿寺署正銜寶山縣訓導生平篤於孝友寶山學海書院費向絀百阜爲增膏火教士以立品敦行相砥沐其教者多儒雅純篤咸豐十年嘉定陷犯寶山百阜居圍城中與邑令晝夜巡守數十日城得以安歿於任

循吏  
事略

陸延禧字燕庭諸生以治河功官至山東補用道精通水利叠奏成績王相國文僖麟督慶均器識之卒年八十子嘯字壽珊亦以河功擢升至道員同治九年奏署開歸陳許道未赴卒年七十有三



祁壽馨字瑞符孝子元福曾孫幼穎悟光緒癸未進士以知縣分山東歷署高密博山等縣所至有聲登萊素健訟壽馨聽斷明決不輕用刑然狡黠亦輸服無爭執者高邑有杜姓命案兇逸三日壽馨以策擒之一鞠而服閭邑稱神明焉甲午日本兵艦寇登郡陷榮城壽馨時權博山人心騷動捐廉倡辦團練選精壯日夕操練全境得安叙功補濟陽縣治臨黃河上下七十餘里多盜賊壽馨至擒匪首彭三捕賊船獲賊悉盡法懲治丁酉正月凌汛大至河水漲丈餘邑城迤西皆險壽馨賞購募夫汛兵合力搶護深夜購料不得廣致棉衣被堵

塞又拆附近堡房木料稽箔用以擋浪連夜加修子埕得斷流對岸章邱縣境小沙灘復決壽馨命于重詰督船數十載蓆片饜餅冒險往濟活人無算壽馨夙負文名鄉試與分校者四知名士網羅殆盡服膺宋儒跬步必以規矩兼宗漢學尤深許氏之學治印得秦漢遺意有印上書屋印譜

### 忠義

花榮三阿鄉人有膽略善騎射有袁九四者聚盜數百剽略鄉邑榮結射陽人郁信甫募壯士掩捕發努中九四胸擒之餘黨悉平以功授安豐鎮巡檢遷都城稅課



局大使信甫授時安鎮巡檢又以功陞合肥主簿

道光志

丁効恭膂力過人能舉五百斤嘗兩手擎兩鉅豕挂梁上攫鉅石如轉丸嘉靖時倭寇入犯縣無城居人各逃匿村落恭憤曰縣無一男兒耶結少年數十人持長戟挾利刃迎擊南郭外揮刃連斃數人寇將却會鬪久饑倦少年輩稍返顧寇伏起大呼而進遂爲所害兄効寬

邑諸生篤於孝友哭弟甚哀悒鬱以卒

道光志

鄭鳴鹿狀貌魁梧兒時削竹弓彈簷雀應弦而墮父紹賢責以讀書而所願弗存一日山行聞空谷中風如雷一虎至鳴鹿張弓射之中其左頰復一矢中虎鼻虎方

寶應縣志

卷十三 忠義

十四 人物志

跳躍以爪撓矢鳴鹿遂奔脫乙酉寓揚州欲乘時立功

名史閣部守城命燃巨礮鳴鹿應往再燃遂殞礮下

道光志

揚國柱原籍寶應人始祖興明洪武初從軍北征隸燕山衛興子名從靖難軍積功累陞指揮使守廣甯後屯衛予世襲史所謂義州衛人者蓋官籍也國柱久歷戎行身經百戰崇禎九年陞宣府總兵官入衛畿輔從督臣盧象昇援薊遼大小數十戰皆在前驅時象昇爲楊嗣昌所扼嵩水橋之戰象昇止五千人清兵十萬圍之總兵王樸帥兵先遁嗣昌擁兵不救國柱等裹創血戰



勢急國柱與虎大威請翼象昇出象昇曰吾死此矣以死報君猶薄耳時身中四矢三刃猶手格殺數十人以死國柱泣以麻衣裹尸與大威突重圍出上疏自劾請重論大學士劉宇亮侍郎孫傳廷皆言其出入重圍非退怯者比乃命充爲事官戴罪自贖十四年祖大壽被圍錦州命偕王朴唐通赴救國柱先馳至松山猝以孤軍陷伏中國柱嘆曰此吾猶子殉難處也吾顧爲降將軍乎奮身突出中飛矢墮馬卒事聞予卹妻何獻所遺甲冑弓矢戰馬授一品夫人瞻其終身

志辨

楊振國柱從子萬厯間以世職襲廣甯後屯衛指揮使

天啓二年遼東失守關外八城皆潰軍民男婦數十萬求入關不納振母縊以殉振偕父及幼弟自屯所拔歸渡鴨綠江抵朝鮮入皮島毛文龍并署以軍職文龍死歸袁崇煥甯遠爲千總崇禎二年從入衛以功累擢至副總兵中官高起潛欲致之不往中事落職巡撫方一藻惜其才得復官十二年松山圍急一藻議遣兵赴援諸將相顧無敢前者振獨請行至呂洪山遇伏全軍盡沒振被執令往松山說降未至城令從官李祿致語城中堅守諸將援兵卽至城中人守益堅振及祿皆被殺

事聞悼惜優卹如制

志辨



鄭之龍字際雲由吏員考授典史明崇禎十三年齎餉入京至山東盜奪其餉遂遇害

道光志

韓振愈字二如邑武舉也勇敢有至性嘗有盜越獄振愈率鄉人追及之手刃二人飲其血餘悉捕獲弟宗愈字斗望崇禎間以拔貢授安化縣知縣妖民黃邦明叛郡邑震恐宗愈修戰守備募死士用間出奇計卒戮邦明遷九江推官道阻改銅仁又平苗亂擢知府尋罷職道阻留黔南振愈聞之日夜悲思或對客飲食輒泫然泣下久之宗愈得歸里振愈子日昌亦武舉官石城衛千總還家遯跡終身不至公庭

道光志

鄭邦彥邑諸生寄居揚州咸豐二年城陷被殺妻吳氏絕粒死咸豐八年由兩江總督請卹

張起咸豐六年賊陷涇縣巷戰陣亡同治八年旌給雲騎尉

晏鵬程督標經制外委咸豐九年在鎮江寶蓋山力戰陣亡同治九年由兩江忠義局請卹

錢賡慶其先六合人遷入寶應籍咸豐十年署宣城衛守備兼建陽衛賊撲甯國賡慶隨軍督守南門援絕城陷手殲悍賊數人歸署與妻張弟崇慶僕張祥舉火自焚事聞追贈鹽運使銜襲世職原籍建祠弟崇慶亦襲



世職

薛世奎字朗西浙江慈谿縣知縣同治元年賊犯境世奎殉焉賜卹世襲雲騎尉

王曰揚同治元年捻匪至境脅之降曰揚曰讀聖賢書不能報國恥矣非法之事奚能加誓死不從賊以刃傷其面削落右耳猶戟手罵不已尋創痛劇遂自縊死年五十七同時王廷揚尹士章皆以不屈死廷揚中數鎗猶厲聲罵賊曰我若從爾輩死無以對祖宗遂投水死士章奉孀母誓不從賊賊傷士章母遂投水土士章從之母遇救而士章死三人皆邑傳寺廟人

潘某業醫世居湖西同治元年賊自桃源南竄里人避徙潘曰去徒自爲謀耳某將勸之降否則死之賊至潘書巨紙道國家威惠張之路賊怒執之潘神色不撓慷慨陳形勢勸爲良賊終無悔意遂侈口大罵賊支解之至死聲不絕賊黨中亦竦然曰眞男子也

朱士和武生同治六年捻匪竄縣之北鄉與紳士錢長恩等在汜鎮堵禦被洋槍擊死同治八年旌賜卹修武校尉

孔廣牧字力堂曲阜人繼鏞子自廣牧始入邑籍少承家學著漢石經考異禮記天算釋禮記鄭讀考先聖生



卒年月日考諸書詩學建安黃初兼工倚聲二十後從事務本之學近裏着己以真知允蹈爲歸作實踐箴以自勸性孝友五服內族人多貧廣牧招致之飲食衣服各遂所欲父死軍中廣牧思復讎不可得應陳總兵聘宿遷道山陽異母姊以貧困告篋衍一無長物遂解裘以贈時初春寒冽甫入戎幕賊騎麇至薄絮登陴七晝夜感寒疾卒年未三十子昭案字顯弼一號印川光緒十五年進士山東卽用知縣十七年三月巡視河工抵長清縣風烈浪涌昭案溺死年三十五妻劉亦仰藥殉巡撫尙書張曜以聞旌如例幼有至性七歲而孤堅苦

自力生祖母劉性方嚴母王事之謹昭案左右承志生祖母若母皆以安昭案嗜學不倦從寶應成孺清河吳昆田游不驚聲譽唯以明經砥行爲亟與人樂易有以事屬者無難易戚疎必踐其諾至爲人給且諾不悔王珍李行一之僕行一娶潘氏無子珍少育於其家潘待之有恩潘卒珍事行一不肯去行一家旣落且老目又瞽珍左右奉養歷數十年不懈行一妹適郡城張氏時迎其兄未一月輒歸以爲不能如珍之順意也珍嘗衣極敝袴或問之曰吾有新袴已入質庫買鼈奉主人矣他多此類李有族人欲引爲己用特置酒筵謝其奉



主之勤因取十金託珍代爲經營珍以餘利奉主人仍以原金還而謝却之王懿誦赴烏程任欲屬爲司閤辭不往年三十始娶妻同心奉事行一至老無間言

道光志

周大潘愷之僕從愷往田舍有佃暴死潘氏之族誣愷殺之引僕爲證知縣吳之珽訊僕考掠累日僕力陳其冤遂以夾折其脛血溢口鼻而死瀕死猶胡嚙言佃實病死既絕而目不瞑聞者哀之知縣已致僕死而懼妄云僕承遂易其辭以上獄不決者五年其後巡撫劉某參驗僕辭疑而讞之得其實爲黜知縣官而抵族人罪於是獄遂白愷爲僕置冢子孫世祀之勿絕

道光志

朱有一名進士范興道僕范厚於貲早卒遺兩孤戚族咸噬之遂貧朱爲人負擔日得貲供幼主膳稍豐必沽甘旨歷二十餘年無倦色一生不婚娶曰恐間我事主也年六十餘卒范氏子孫祀之不衰同治四年旌王玉山東卽用知縣孔昭案僕光緒十七年三月十四日案昭出視河溺焉玉以援昭案故亦溺越十九日出昭案尸沙中玉亦在側右手握昭案衣堅甚不可斂